



UNIVERSITÄTS-
BIBLIOTHEK
PADERBORN

Summæ Theologicæ Scholasticæ Et Moralis

In Quatuor Partes Distributæ

In qua de Incarnatione Verbi & Mysteriis vitæ Christi, nec non de
Sacramentis in genere & singulis in specie succinctè & dilucidè tractatur

Herincx, Wilhelm

Antverpiae, 1675

Qu. V. An & quâ neceßitate sit aqua vino consecrando miscenda.

[urn:nbn:de:hbz:466:1-72963](#)

Quest. IV. Quod & quale vinum sit materia Cōsecratiōnis. 253

tum quia peccaret contra reverentiam Sacramenti, adhibendo materiam, quae ob contrariam opinionem passim seu à pluribus censetur aliquāliter dubia. Nullum tamen peccatum erit, si vinum ante consecrationem liquefiat: quāvis consultum sit adhibere aliud, si congeletur ante factam oblationem: immo juxta Suarez & alios, etiā post factam oblationem. Verū tunc non minus consultum apparet, illud ipsum adhibere calidis degelatum consecrare, quālī aliud de novo assumere, nisi ex mutatione coloris aut saporis, vel aliunde de corruptione vini per vehementem congelationem factā dubitetur. De quo sanè rationem regulariter dubitandi non video. Minus althuc curāda est levis & inchoata quedam congelatio vini in altari: quae insuper facilē tollitur admodū ad cuppam manu, nec ex gusto deprehendit præfuisse.

Sed contra Conclusionem objicitur I. Baptismus non potest conferri in aqua congelata; ergo nec potest fieri consecratio Sanguinis in vino congelato. Resp. Neg. Conf. nam materia proxima & essentialis Baptismi est ablutio, quae fieri nequit per aquam congelatam. At Eucharistia est Sacramentum permanens institutum sub speciebus panis & vini per modum cibi & potū; vinum autem congelatum censetur potū.

Objicitur II. Vinum congelatum non est potabile; ergo nec consecrabile, manens tale. Resp. est per se & ex natura sua potabile, esto non proximè: quod non requiritur, cum actualis potatio non sit de essentia hujus Sacramenti; & de facili per liquefactionem vinum congelatum possit fieri proximè potabile. Alioquin pariter inferri posset, per congelationem destrui consecrationē seu præsentiam Christi. Deinde vinum congelatum potest deglutiiri, siquē potari; cum hoc non sit aliud, quam sumere potū (qualis est tale vinum) ad effectum potationi proprium. Unde nēc talis hoc a gendo frangeret jejunitum. Aliud est de succo uvis inclusō, cui (ut patet ex dictis nim. 25.) deficit ratio potū seu vini, ac demonstrabilitas.

Objicitur III. Vinum offe imbibitum manet consecratum; & tamen non potest ibi primō consecrari: ergo ex eo, quod vinum congelatum consecrationem retineat, non rectè à nos infertur, ipsum posse in tali statu primō consecrari. Responderi cum Variis potest Neg. Conf. quod vino offa imbibito deficiat demonstrabilitas; quā simpliciter convenit vino congelato. Addunt aliqui non esse in offa instar potū, sed per modum cibi, ut est succus uvis inclusus. Verū inter hac appetit disparitas, quod vinum sit mērē localiter contentum in offa, ut in

spongia, nec cum illa instituat unum corpus; sitque etiam propinquè potabile, illud veluti ex spongia exprimendo. Unde si vinum in offa maneret satī sensibile, adeoque demonstrabile (prout interdum saltem fieri posset) non apparet, cur etiam primo nequeat sic consecrari. Sicut potest consecrari ipse panis, etiā simul adsit vinum ei immixtum. Sicut etiam consecrari posset vinum imbibitum spongiæ, si maneat satī sensibile: aut infusum vasi argenteo per industriam artificis instar panis triticei poro.

Quod si quis infret, guttam vini consecratam, si in uva reponatur, manere consecratam, nec tamen posse ibi primo consecrari. Resp. si non obstaret indemonstrabilitas, posse etiam ibi primo consecrari: per istam enim repositionem non amittit rationem vini & potū, nec fit de nuo, ut fuerat prius, succus uvis inclusus (idem est de succo pomorum &c.) pars substantialis compositi viventis & vegetantis, scilicet uvæ, sed huic solū jungitur localiter.

Ex quo ulterius infertur, vinum resolutum in vapores, quādiu manet substantialiter vinum, non obstantibus alterationibus accidentalibus, posse validē consecrari in casu, quo posset ad sensum demonstrari per pronomen *hic*, seu *hōc*: quemadmodum juxta communem doctrinam consecratum maneret, quoque manet substantialia vini. Sicut etiam eousque Christus manet in stomacho, etiā interea species consecratae facilē tantum alterentur, quantum vinum in vapores resolutum.

Q U A E S T I O N E V.

An & qua necessitate sit aqua vi-
no consecrando miscenda?

Dico I. Vino consecrando debet misceri aqua. Est contra Armenos (quos sequuntur Hæretici nostri temporis) ut constat ex Florentino in Decreto de Armenis: ubi nostram Conclusionem definit tamquam certam traditionem ab ipsis Apostolis derivatam, & ab omnibus tam Graecis quam Latinis Ecclesiis ab initio nascentis Ecclesiae constanter servatam. Eamdem docet Trid. sess. 22. c. 7. Pontifices, Concilia & Patres magno numero, vide apud Bellarminum lib. 4. c. 10. & alios. Nobis sufficiat Alexander I. (qui fuit sextus à S. Petro, & floruit ante annos 1500.) Epist. ad omnes Orthodoxos dicens: Non debet, ut à Patribus acceptimus, & ipsa ratio docet, in calice Domini aut vinum solū, aut aqua sola offerri, sed utrumque permixtum.

Triclicem hujus sacræ ceremoniæ rationem assignant Doctores cum Florentino & Tridentino.

Hinc Sum. Theol. Pars IV.

Y

Tridentino

32.
Quid si
gutta vini
in uva re-
ponatur.

33.
Vino conse-
crando a-
qua est mis-
cenda.

Ex tradicio-
ne Apostoli-
ca.

Tridentino *suprā*. Prima est, quod juxta testimoniū Patrum credatur Christus in fine aquā mixto consecrass̄e. Secunda est significatio & rememoratio sanguinis & aquae, quae de latere Christi profluxerunt, juxta Innocentium III. cap. In quadam, de celebrat. Miss. Tertia, quod cū per aquam significetur populus Apoc. 17. mixtio aquae cum vino designet populi Christiani cū capite Christo unionem; quae est hujus Sacramenti effectus.

Dico II. Hæc mixtio non est de necessitate Sacramenti: ut habet communis &

*34.
Mixtio bat
nec est de
necessitate
Sacramenti.*

certa doctrina contra Armachanum. Et clare patet ex Florenti^o, quod pro materia calicis assignat *Vinum de vite*, cur (inquit) aqua modissima admisteri debet. Alias sanè dicere debuisset, materiam esse vinum aquā mixtum; prout immediate ante dixerat, materiam Confirmationis esse *Chrisma confitum ex oleo & balzamo* &c. Idem traditur expressissime in Regulis Missie Tit. de defectibus circa Missam occurrentibus §. 4. de Defectu vini num. 2. & 7. Idem quoque indicat Tridentinum *suprā* monens præceptum esse ab Ecclesia sacerdotibus, ut aquam vino in calice offerendo misserent. Idem denique insinuant Patres, dum solū dicunt consuetudinem hanc esse servandam; ut ex verbis ipsorum ponderat Suarez disp. 45. scil. 2.

Unde ulterius probatur: quia ex traditione aut doctrina Ecclesie non constat mixtionem istam esse de necessitate Sacramenti; quin potius constat oppositum. Nec obstat factum Christi: omnes enim circumstantia facti ipsius non sunt necessariae: nam alioquin consecratio non posset fieri in pane fermentato; cū Christus sit usus pane azymo.

Dico III. Mixtio aquæ non est necessaria ex præcepto divino, sed tantum Ecclesiastico. Ita Scotus & alii communiter contra Stanislauum Hosmum & paucos alios. Probatur ex Florenti^o sup., reprehendente Armenos, quod se non conformarent universarum Ecclesiarum consuetudini: si autem Pontifex Eugenius aut Patres Concilii Florentini agnovissent præceptum divinum, omnino illud tamquam efficacissimum ad infleßendum Armenos proposuissent. Idem clarissimū indicat Tridentinum *suprā*, simpliciter asserens, præceptum esse ab Ecclesia sacerdotibus, ut aquam vino in calice offerendo misserent.

Probatur II. quia de præcepto divisio non satis constat; ergo non est afferendum. Factum enim Christi non est in rigore præceptum, ut patet in pane azymo, & similibus accidentalibus circumstantiis facti Christi: ipse enim institutionem tantum restrinxit excludendo circumstantias, quæ facti substantiam moraliter mutant: prout ad hoc indifferens est pánis azymus vel fermentatus, vinum purum vel lymphatum.

Probatur III. quia si Christus ita jus-

sisset, non apparet, quare solū effe de obligatione præcepti, & non de Sacramenti necessitate. Aliud est de consecratione utriusque speciei, quæ est iuris divini: nam etiam quælibet est de necessitate proportionatæ speciei: non autem de necessitate utriusque; cōd quod sit Sacramentum divisibile, & partialiter multiplex. Sicut etiam sumptio seu susceptio utriusque speciei, sacerdotibus à Christo præcepta, est manifeste divisibilis validē loquendo, & quandoque licet in necessitate summa.

Solum restat circa hanc questionem difficultas de mente Cypriani Epis. 63, ubi Dij ex professo contra Aquarios offendens in calice Dominico non posse offerri aquam solam, sed debere mixtam esse vino, seu vinum omnino necessariō adesse, adit aliqua difficulta, quæ indicant aquam saltem non posse quoque deesse, quasi alia irrita sit calicis Dominicī consecratio, que (inquit Cyprianus) copulatio & conjunctio aquæ & vini sic miscetur in calice Domini, ut columnix illa non possit ab invicem separari. Quod ne quis intelligat de licto ob præceptum Ecclesia, aut juxta scopum principalem Cyprian de valido, in quantum non sufficit aqua sola; obstat videtur, quod sequitur: Sic autem in sanctificando calice Domini offerri aqua sola non posset, quonodo nec vinum solum potest: nam si vinum tantum quis offerat, sanguis Christi incipit esse sine nobis: si vero aqua sola, plebs incipit esse sine Christo: quando autem utrumque miscetur, sacramentum spirituale & celeste perficitur. Si vero calix Domini non est aqua sola, aliud vnum solum, nisi utrumque sibi miscetur; quonodo nec corpus Domini potest esse farina sola, aut aqua sola, nisi utrumque adunatum fuerit & copulatum, & panis unius compage solidatum.

Quocirca Præpositus quest. 74. art. 7. statetur Cyprianum sensisse mixtionem aquæ esse de necessitate Sacramenti. Quod etiam non abnuuit Pamelius in Notis, non recte addens verisimilem videri istam sententiam.

Dici tamen posset Cyprianum solum locum de necessitate præcepti, ut eum explicant D. Thomas quest. 74. art. 7. D. Bonaventura d. 11. p. 2. art. 1. q. 3. ad 1. Ut proinde comparatio cum necessitate vini non competit in omnibus, seu non quoad gradum eius necessitatibus. Idemque est de comparatione cum farina. Quæ tamen aliunde non significatur non esse exacta: tum quia farina non commixta non est cibus per se, sicut vinum per se est nutr̄tus, ut inquit D. Bonaventura d. 11. p. 2. art. 1. q. 3. ad 1. tum quia farina non est materia proxima Sacramenti corporis, ut vinum Sacramenti sanguinis, sed mediante substantiali mutatione in tertium mixtum, scilicet panem. Quod autem Cyprianus dicit, si vinum tantum quis offerat, sanguis Christi incipit esse sine nobis, id est, erit quidem sanguis, sed non significabit mysticæ unionem nostræ ad Christum.

Denique

Quæst. V. Qua Necessitate sit aqua vino cōsecrando mis̄cēda. 255

Denique dum Cyprianus significat in eadem Epistola mixtionem hanc esse à Dominino mandatam; intelligit Vasquez disp. 177. num. 20. sicut sonat, admittens Cyprianum fuisse istius opinionis. Alii tamen ipsum explicant de præcepto divino latè sumpto, pro quo habentur verba & facta Christi Doctoris & Magistri nostri, qui insuper factō suo dederit Ecclesiæ occasionem id præcipieri. Rectius tamen atten-

tem pto scopo Cypriani, cui est, non posse videri sanguinem Christi esse in calice, quando di- num deſit calici (quod fūſe ostendit) referunt præceptum Domini ad mixtionem vini, quatenus nequit aqua sola consecrari, sed necessariò adhibetur vinum; præscindendo ab hoc (quod non spectabat ad intentum Cypriani) an adhibitio aquæ (quam solam adhibebant Aquarii) fit pars omnino ne- cessitatis; quāvis aliquā ratione esse ne- cessariam patenter affirmit.

Dico IV. Graviter nihilominus peccaret, qui scienter aquam vino non misceret; ut haber certa Theologorum doctrina, quæ etiam traditur in Regulis Missæ supr. num. 2. Int̄ actions namque ad essentiam Sacramenti non pertinentes, hæc potissima est & proxima iis quæ sunt de essentia. Deinde gravissimæ sunt hujus præcepti ratio- nes initio questionis allegatae. Unde si quis oblitus fuisset aquam apponere, & ante consecrationem calicis recordaretur, debebet supplere quod omissum est. Secùs est, si recordaretur tantum post consecratio- nem calicis: quia non est de necessitate Sacramenti; ut dicitur in Regulis Missæ supr. num. 7. nihilque non consecratum mis- cendum est consecratio ex usu Ecclesiæ Ro- manæ. Quāvis Græcorum ritu soleat post consecrationem speciebus vini misceri aqua, eaque calida. Quod etiam suo potest mysterio non carere.

Dico V. Misceda est aqua modicissi- ma, ut determinat Florentinum supr.). Con- gruentia est: tunc quia per notabilem ex- cessum vini super aquam significatur ex- cessus majestatis Domini super fragilitatem populi: tum ne periculum sit corrum- pendi substantiam vini, ſep̄ tenuis per co- piōrem aquæ admixtione. Relinquitur autem modicitas aquæ iudicio pruden- tis determinanda: quam Varii determinan- t̄ esse octavam vel decimam partem, ut Con- ninck, qui addit modicum excessum in al- terutram partem parum esse curandum. Unde non est tam scrupulosè agendum, ut quidam agunt, qui vix nisi minimam stillam seu guttam aquæ ſolitè curant in- fundere. Minimè tamen probandum est, neque probavit Ecclesia determinationem Concilii Triburiensis 1. c. 19. permittentis ap- ponere tertiam partem aquæ; quæ ſane non est modicissima. Minus autem id adhuc permittendum est in locis iſtis, in quibus

Hieron. Sum. Theol. Pars IV.

rariora ſunt vina generosa; & frequenter mixtionem aquæ non ceremoniale habent. Non equidem ſufficit, quod hoc mo- do aqua fit mixta vino in dolio, ſed debet misceri in calice, ut conſtat ex praxi Eccle- ſiæ præſcribentis hanc mixtionem fieri in miſſa per modum ſacræ ceremoniæ.

Q U A E S T I O VI.

An aqua mixta, vino converta- tur etiam immediate in san- guinem?

O LIM Quidam existimarent aquam vino mixtam numquam tranſire in sanguinem, ſed in humorem quemdam a- queum, quem phlegma vocant, & de latere Christi emanante dicebant. Quorum opinio graviter reprobatur ab Innocentio III. cap. In tere Christi quadam, de Celeb. Miſſarum. Nam cū Joan. effluxerit. Aquam mixtam non tranſit in phlegma. Et quod de latere Christi emanavit, Inno- centius cap. 19. dixerit: Exiit Sanguis & aqua, in- dubiè id intelligendum de aqua vera, ſicut de sanguine vero, ſive interim fuerit naturalis, ſive miraculosa aut de nouo divinâ virtute creata, ut declarat Innocentius III. supr.). Et quāvis ſuſſet verum phlegma, equidem non poſſet in illud aqua in ſacrificio con- verti: eo quod conversio per verba confe- crationis fiat in illud quod verba ſignificant, hæc autem ſignificant sanguinem, non phlegma Christi.

Duæ insuper erant aliorum opinioneſ, ut refert Innocentius III. c. Cum Marthe eodem tit. Negue in Prima erat afferentium aquam vino mixtam tranſire, non in phlegma, ſed in veram aquam, quæ de latere Christi emanavit. Que tamen omni fundamento caret: tum quia natus, vera aqua, quæ tunc extraordi- nariè de latere Christi fluxit, non ſpectat ad integratatem illius, nōque nunc in corpore Christi per- manet: tum quia verba confe- crationis ſig- nificant ſolum sanguinem, adeoque non ha- bent vim aquam convertendi in aquam. Un- de, hæc opinio communiter & meritò à Theologis reprobatur. Secunda opinio erat existimantium aquam vino mixtam & qua- litatibus vini imbutam, retinere ſemper pri- ſtinam substantiam aquæ. Ita refert Innocen- tius III. supr.). Quæ etiam opinio nunc ab omnibus Doctoribus est derelicta.

Unde reſtant duæ celebres Doctorum opinioneſ. Prima Præpoſiti, Coninck & Nonnulli Receniores quorundam aliorum, præſertim Recentiorum, & Societatis Iesu, existimantium a- aquam im- quam vino mixtam, & qualitatibus vini mediae imbutam ſemper converti in sanguinem tranſire in Christi, etiſi prius non fuerit conveſta in sanguinem. vinum.

Secunda est D. Thomæ, D. Bonaventuræ, Verius ta- Scoti, & communiter antiquorum, item men est de- Suarez, Vasquez, Valentia, Henriquez, A- bero prius transire in zorii, Reginaldi, Fagundes, Tanneri, Maratii, vinum, Bonacina,